

deren vnderschiedlichen Formen mehr könnerdacht werden: deren etliche also beschaffen/dass man sich höchlich darvber muß verwundern.

Wie man sieht an den Fewer Spiegeln/ durch die Stralen der Sonnen also werden angehalten/ daß sie alles anzünden/ dar-auff sie fallen oder gerichtet werde. Diese hat/ wie man es darfür hält/ Prometheus erfunden/ dannenhero die Poeten von ihm fabuliert/ daß er das Fewer vom Himmel/ oder von der Sonnen gestohlen habe. Von Be-reyting solcher Spiegel hat auch Orontius Phinaeus in seinem speculo vstorio auffführlichen Bericht gegeben. Die Wirkung der-selbigen haben auch die Römer in Beläge-rung der Statt Siracusa erfahren/ da ihnen Archimedes ihre Schiff auff dem Meer da-mit angestecket vnd verbrennet hat. Hiemit stimmet fast über ein/ daß man von einem lie-set/ der mit seinem Widersacher im Schran-cken mit Wehr vnd Schildt streiten solte/vnd seinen Schildt also poliert/ daß er glänzet wie ein Spiegel/ damit er seinen Feind also ge-blendet/ daß er nicht sehen/ vnd weder ihn be-schädigen/ noch sich selbst wehren vnd beschützen können/ sondern wie eine bezauberte Schlange still halsten müssen. Welche His-toria auch wol dem Ariosto zu dem glänzen-den Schildt der Athlantæ möchte Ursach o-der Anleyitung gegeben haben.

Damit ich aber auch etwas von der Arte Practica der Spiegelmacher rede/ sage ich/ daß die gemeine stähline Spiegel/ so vor kur-ken Jahren erstlich auftkommen/ auff nach-folgende Weise gemacht werden.

Man nimbt Kupffer vnd Zinn/ jedes glei-che viel/ dasselbe schmelzet man mit einan-der in einem Tiegel/ vnd thut zu jedem Pfund gemeldter Materien/ ein Unz arsenici crystallini, ein halb Unz Antimonii ar-

genti ein halbe Unz calcinieretes tartari, die-ses mischet man alles durch einander/ vnd läßt es zum wenigsten vier Stunden also im Fluß stehen. Darnach hat man ein steinerin Form von zweyen Stücken gemacht/ welche wol glatt vnd poliert/ darzwischen leget man eine eiserne Schiene oder Drath/in der dicke wie man das Blat des Spiegels haben will/ verklebet sic rings herumb wol/ vnd faßt sie zwischen eine Schraube/ oder zwischen zwei Hölzer/ daß sie wol zusammen gezwenget: macht sie ein wenig warm/ vnd geust endlich die vor-gemeldte Mixtur hinein. Wann das Blat also gegossen/ klebet man auff der einen Sei-ten mit Gips einen Stein darauff/ vnd rei-bet es auff der andern Seiten so lange auff einem andern glatten Stein/ bis es ganz hell vnd rein: darnach polieret man es auff ei-nem Fils/ mit gecalziniertem Zinn/ vnd wird also der Spiegel gemacht. Die Formen seynd vnderschiedlich/ vnd mag man sie nemmen wie man will/ wann nur in der Arbeit auff ge-meldte Weise procedieret wirdt.

Die Crystalline Spiegel/ die von Muran kommen/ werden auff eine andere Weise zu-gerichtet: Dann erstlich formiert man von Glas in de Offen eine grosse oder kleine Ku-gel/nach dem man die Spiegel haben will/die-selbige zerschnetdet man darnach mit einer Scheeren/ vnd machet viereckete Stücke dar-auf/ nach dem man gemeinet/ die Spiegel zumachen/ dieselbige legt man hernach auff eine eiserne Schaufl/ vnd seket sic widerumb in den Offen/ bis sie anfangen auff ge-meldter Schaufl zu flissen: als dann zeuchet man sie wiederumb heraus/ seket sic in ein an-ders darzu sonderlich zugerichtetes Doffelein/ vñ wirfft Aschen darauff/ vnd leget die Blät-lein also auff einander/ vñ Asche darzwischen/ bis das Dofflein voll wirdt/macht ein gelin-des Fewer darunter/ läßt es hernach aller-

ooooo ij mit